

chepuhpah unduh mahwezowod, konemah kuhua puhkon wegawahming chepuhbatuhzhe onzometoonong no dush enuhnokewod ekewh kedekwamenahnik kecheuhchenuh atuh nyahdoganuk emah andahwod. onuhkuhton ewh andot kuhya enewh oneejahnesun. Mee nuk dush monduh che meno ekwegit owh uhpenooje? Meenuh wah nuh dush wihweenga kekuhuhnahme mahnahnik ekewh kedekwamenahnik owh wainje mahjeekahsewung emah uhkeeng tuhze menouh'ahwining? kah suh ween nindenaindum ezhesinzenon cheuhnahme mungwahbun ekewh kedekwameshenahnik ezhesin suh kuhya keenuhwind ewh keduh nokeewinonon kaenuhnoketuhwungwah ekewh kedekwamenahnik Otahperuntah owh kewahgahkwahnon, muhzhceontah nin enewh keduhkeensemenahnin, buhkete nuntahnik ekewh potatoes, corn, wheat &c.

Wekushkeahahnik kuhya ekewh: uh wuhkahnasuk, puhkahuhkwayuk, meze saig, opishkesewug, kookooshuk, pezhe keensuk, pazhegokuhzheesuk; kuhya wekushkeahahnik fruit trees, chepuhtuhke nungwah emah cheekukuhmik aindahyung.

Wawane onahbuntah ewh kitchen garden cheuhyahmuhguk, kuhya puhtuhke shemahnahnik ekewh current bushes. Oo dush ezhechegayung kahween neebenuh tahtuhso beboonuhguhsenoon tuhbahtuhyeenut kamahmeecheyung, keneejahnesenahnik, kuhya kewetegamahgunenahmk. Oo dush uhpe keene ezhe kushkeawezeyung kahween meenuh wah kedekwamenahnik oguhombenuhkahtuhzenahwah ewh wahgahkwat chemdah wekwuhchetowod ewh kameechewod: mee dush pejenuk chekushketowod chekuhnuhwaindungmowod ayendahwod, kuhya enewh oneejahnesewon, uh puhna dush oguhweejewahwon emah aindahwod chekekenoouhmuwahwod kaezhe pemahtezemit, kuhya wawane oguhkushke toonahwah ekewh uhpenoojeeyuk cheezahwod emah day school. Mee dush ego azhe tapwayainduhmon kuhya ween owh uhnesenahba cheotahpenungebun oneebuhwewin neebuhwenit enesv shahguh nahshun.

Pazhik dush atuh meenuh wah newe ekit: keenetuhzhinduhmon kanewekwuhchetouyungebuhneen, tahonesheshin nuh kuhwa owh oshkenuhwa chepwah otahpenod enewh oweeshkobetaamun cheozhetaud.

Nintezhe wahbuhmog ekewh uhnesenahba-oshkenuhwaig uhpe anainduhmowahgwain ewh cheweetgawod, mee go atuh anc keeke puhsekweewod enewh o dah zeyah ne she won: pazhgookuhzheeg mah kuhya go ahnint otezhenekahnahwon. Mee nuh oo kaezhe kushkewezeyung chepahpenaindung owh oshkekawon: neen dush ween pazhegoyon nindenaindum kahween tahonje pahpenainduhsee owh ekwa pezhe shik go ahzeyahnish. Uhpe ween owh pe nashe wahpuhnuhjahsekachin wawane otoo zhetoon ewh odosowon. Nindenaindum dush ahzhekwah sufficient light ketuhyahnon chewahbunduhmungobun onesheshing chekenuhwalbuhmungwah ekewh penasheyuk zhetowod wawane wahzhekuhnuhwanewahwod ewh opuhnuhjahseme-

won. Keeshpin nah kuhwa ozhetaud owh oshkenuhwa uhpe wahwetegachin, ozhetood kataud, wekwuhcheaud kahpetuhzhemuhgik tuhwanepuhwezewug che enemahjeeshkahwod uhkeeng tuhze meno uhyahwining keeshpin shuhwaindahgozewod menopemahtezewin. Owh dush wahzhee tahsik uhpe weewit, kuhya uhpe keewewit wepenue uhyahshojekahsood aindahnit enewh ozekozesun, kahweekah wawane oguhkushketooseen chewahnuhche weesene pun: uhyahne suh dush kuhya ween owh ewh oduhnokewin kaezhe wetookuhwod enewh odekwanon. Mee dush go azhe tapwayainduhmon anewaik nahnahkuhtuhwaindung owh mahmautdahgonene chewahbundung azhesenenik oduhnokewin kaenuhnoketuhwod enewh odezheenowin.

Uhpe dush ene shuhwaindahgozewod enewh uhpenoojeeyun wawane oguhkewegenahwon. Ooo dush uhpenoojeeyuk kahween oguhwuhnetooseenahwah kaezhe ekwegenintwah, ahzhetuh oguhwetookuhwahiwon enewh ogetezeemewon, kuhya tuh ahwewug ekewh kameno ezhe wapezechik enewug kuhya ekwawug kashawanemah chik weejpemautezeewon.

WILLIAM WAWANOSH.

St. Clair Mission.

For the Petaubun.

Nintezhe unduhwaindahgoos pungé cheozhpe egayan cheweenduhmoonuhgook ewh menik kahezhe netahwegechegawod omah Ahmechewuhnoong uhnesenahbaig.

Ewh mezemin menik kahmekuhmon 1480 bushels. Mahmuhwe noongoom tuh kwahgik 210 bushels okegetegahahnahwah. Ewh dush ween uhnooj kagoo kahgetegahuhmowod kahween ninkeekushketooseen chemahwundonuhmon: opiteeg mundahminuk, muhnoomin, uhnecheemin, jeesun, okosemahnun, kuhya puhkokoombun: konemah 6000 bushels: kuhya meezhushkoon 70 tuns gatekahtagin.

Kuhya dush Wuhyahwahkuhmik okeozhetoon frame house, kuhya Kapayash pazhik frame house, kuhya Wawindahnuhkwut pazhik frame barn, kuhya Uhwuhnegezhik pazhik frame barn. Mee suhgo nah menik anajemotoonuhgook.

Keboozhookoonim kuhkenuh. Neen suh owh Tuhyapepetung. Ahmechewuhnoong, Nov. 29 1862.

MEENUHWAH PAZHİK GETEGAWIN
To the Editor of Petaubun.

Kuhya neen suh nindenaindum weozhepe egayon. Nindenuhwaindahguhnedook omongezhe antuhzhe ketemahgezeyung Keche-minising ezhenekahnaig. Pazhik omah owh neejuhnesherahbamenon otzheenowin oneejahnesun antuhchenit. Newetepahdoton azhe uhnokeeshong getegayong. Mundahminuk atuh ningetegahnahnik, opineeg, kuhya okwesemahnun, mee ewh azhe getegayong 800 bushels mundahminuk ninkeenetawegeahnahnik mahmuhwe antuhcheyong, ewh dush antuhsoteweze-yong 8 tuhsota. Kah puhyaatoosh nindooduhwuhkahneseemin, mee ewh wainje

pwah getegahuhmong ewh mezeminnas puhkwahzeguntuh atuhmaig. Mee sulago nah kuhya neenuhwind waindahtezeyong ewh enuhnokewyong. Nindenuhwaindahgunedook kahween dush ninduhwah nintepahjemahseeg ekewh opineeg menik tuhso tapuhgun ayahwungetwah.

Nekahnis kepuhkosanimin suh chemuhzenahkezhuman monduh anahjemotuhwuhkah nindenuhwaindahgunuk mezewa papunge pame duhnuhkeechik. Kah mahween go kagoo ezhe mahnahdahsenoon monduh nintepahjemowin ka pwah uhtesuhmumbun. Ketuhunmekoonenim nindenuhwaindahgunedook. Uhpakish kuhya keenuh wah mamenik netahwegeaigwah ekewh mundahminuk, anewaik ketahuhtahwanahwog, nintuhtahwanahnik mah neenuhwind. Mee suh menik anahjemotoonuhgook nindenuhwaindahgunedook. Ka go suh ween uhweyuh ninguhahkoonwatah gose. Neen suh owh nahneekon mahmuh we ketemahgezeyon.

JOHN TOBEY.

Christian Island, Oct. 29 1862.

MEEKAHTEWIN.

Kayahpe keche meekahwewug keejkewapahnik Keche-mookomahnuk. Omah enuhkayah Matahtuhsobeenong Washington City-gotahmekweenowug shemahgunishuk uyetow. Uhpechenah ahno keche meekahwewug, kah dush muhshe uhweyuh ahpeche muhmauzhe ewasee. Mee atuh omah enuhkayah anewaik kayalipo muhkahwozeed shahwuhnoong shemahgunishuk: mezewa dush keche gubmoeng enuhksaya, kuhya Mashesebeeng aishkum muhmahzheewawug keewatenoong enenewug. Ewate enuhkayah Mashesebeeng kuhkenuh ishkota nahbekwahnun moqshkenawug shemahgunishuk neesheboonowod uhwemee-kahzowod neesahchewun enuhkayah. Ahzhekwah neebewah muhkuhta wenenewug keekushkeowug wetepanintezowod, kuhya opashowaindahnahwah kuhkenuh cheshahbweewod emah okoduhgezewinewong.

Mission.	No. of Copies.	Amount Paid.
St. Clair	80	\$48 50
Saugeen	25	7 50
Cape Crocker	15	6 00
Christian Island & N. Shore	20	10 00
Snake Island	15	5 00
Isabella Mich.	40	6 00
Bay City	20	2 00
Walpole Island	35	1 00
L'anco Lake Superior	12	5 00
Shawville	20	4 50
Bachewana	6	1 00
Rama	25	3 00
Rice Lake	20	3 00
Alnwick	20	1 00
New Credit	12	
Muncy town	12	
Sugar Island	10	8 00
Mud Lake	10	4 00
Charlotte Mich.	16	
St. Charles Mich.	6	
Pere Marquette	4	2 00
Grand Traverse	4	
Occana	34	6 50
M. B. Camburn		\$1 00
Nashkotayong	16	4 00
Charlevoix	6	2 50

All the friends of Petaubun in the U. S. can direct their letters for me to Port Huron, Mich.